

**NAMIBIA SENIOR SECONDARY CERTIFICATE**

**FIRST LANGUAGE RUKWANGALI ORDINARY LEVEL 4108/1**

PAPER 1 Reading and Directed Writing

2 hours 30 minutes

Marks 70

**2018**

Additional Material: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
  
- Answer **all** questions.
  
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**MAVYUKISO NOMAPUKURURO KOVARONGWA**

- Tjanga malimburo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.
  
- Limburura mapuro **nagenye**.
  
- Pakera mbili esipero, yidivisoereseso netungontanto.
- Sivaro soyitwa kuna si gava moyikondekeli [ ] kehagero lyankenye epuro ndi koruha rwepuro.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## RUHA A

Resa sireswa oso, makura o limburure mapuro ogo naga kwama ko.

### Sireswa 1

#### **Gumwe govagavi mukumo unene momaudano moSouth Africa**

Ukonentu wopansitwe zendi ou ga kara nawo Natalie du Toit ya mu pere nzodi zokurumbasana momaudano goOlympic siruwo sina age simpe mukadona. Efumano lyendi noungwenya momaudano kwa ya tameka mo-1998, apa ga ya kerere po South Africa komaudano goCommon Wealth age nomvhura murongo nane(14) tupu.

Konyima zonomvhura ntatu, nzodi za Natalie zoudano woOlympic kwa monekere zina rumbwangere kutunda apa va tetere eguru lyendi mongoro konyima zehudi. Ehudi lina kapi lya donganesere eharo nerwameno lyendi momaudano. Napa ga kere mosipangero muzogi ogo zonomvhura murongo nantambali(17) kwa nyokere kugcakwisa nzodi zendi.

‘Vakurona novaholi vange vamwe nga va uyunga asi ame ngani li zenze koyivera yomutwe gombete tani uyunga asi na hepa kutwikira kulideura morwa marumbasano govafundi goOlympic pepi gana kara,’ yimo ga diworokere.

Kukara kwendi nompepo va romona za hana kutewa, Du toit kwa nyokere kupulisira urema u zonagwise magano gendi.’ “Ame simpe kudiworoka omu ava zogo, nye kwa kere noudigu woku ka piruka, morwa ku kara neguru limwe tupu”, Natalie ta diworoka. “Na tengwilire monomukara dezogano nokulideura novanonagona, ntani tani diworoka nawa - nawa omu ngani fundu vanona wovakurona. Pwantani nyame mukurona vana kutewesa vanonagona, yiyo nina harere nili mbambangere komeho ni kare simpe muzogi gomunene, oyo yiyo na rugene”. Monyima zomalideuro makwedi gongandi kwa tengwire a hamene momarumbasano. Momarumbasano gosinema 10 000 age kwa ya kere gomurongo nantazimwe(16) mwava 24, yipo ga tengwire koSouth Africa neguwo lyenene momarumbasano gena.

Ga twikilire nokulipisirwa momarumbasano gokuhulilira gosinema 800 momaudano go Commonwealth mo-2002. Esi yiso sikando somuhowo ga likidire momasanseko gopontambo zouzuni mu hamene muzogi gosirema a ka sike komarumbasano gokuhulilira kumwe nava wovawaawa. Kouhura womaudano nagenye kwa mu yengekere nzapo zokuhova zedina David Dixon ngomufundi kamanakandongo momaudano.

Mo-2004, monyima tupu zonomvhura ntatu kutunda apa ga gwanekerere nehudi, kwa ya fundire mokugwana nomedaliye ntano dongorodo moGereka momarumbasano goyirema/paralympic.

Mo-2008, moBeijing yipo ga ya nongwenene kusikisa mo marwameno gendi apa ga likidire upenda wendi nokugava ehisitoli pokukara sirema gomukadi muzogi gomuhowo kupulisirwa momarumbasano goOlympic kumwe nava wovawaawa.

‘Kupulisirwa o ka lihamesere momarumbasano goOlympic yiso siruwo simwe novhura muntu kulira, morwa kwa monekere ngwendi gogu na rondere kondundu zonde Mouzuni za Mount Everest,’ ga tente Du Toit.

‘Eyi kwa zuvhikire ngwendi asi ehagero lyouzuni,’ga gwedere ko.

Matomporo gendi aga gokulikarera ga sinta Natalie du Toit a kare gumwe gosikoda mokatji kovantu moSouth Africa na kumwe hena.

Mokatji kava womuhowo va dimbwilire mfumwa noupenda wendi kwa kere presidente gomuhowo gwaSouth Africa Nelson Mandela,ano mukwami gwendi Thabo Mbeki kwa mu pandadekere mokukara munasikoda gosirongo.

Muzogi gomunene ogu efundo lyendi kwa li dimbwilire pegavero nonzapo daLaureus ‘mokuteza po malisigo momaudano pokatji koyirema nava wovawaawa.’

Mo-2012, Du Toit momarongikido gendi moLondon,ga uyungire asi ta ka lihamasera momarumbasano sikando sokuhulilira pontambo zouzuni. “Nampili ngomu ana kulirongikida ehageko a ze mepwizumuko,kapi ana kara nonsenyawoma. Ana kara simpe nerwameno moku ka rumbasana moMarumbasano goOlympic,nga ka funde maruharumbasano nagenye ntambali goyirema yipo yi kare:” kutunda mo nehafo nefundo”

Nsene Natalie kapi ana hama melideuro, age yiruwo yimwe kwa hara kulihamesera Mogiruganagano (porojeka) zerongo mokusesupika ruhepo.

“Na ya dimburura asi mulyo unene kulipa magano,ntani yiyo yimwe oyo ngani genda nayo mwaza eparu lyange mudima ni tare asi vasesugona va zoge ngomu vana kuvapa madeuro varongi vawo omu va fira kuzoga” ga tente Du Toit. “Yiyo yomulyo po unene,kulinukanesa odo nombudi,ntani va di tambure omu ya fira nokudiruganesa nkenye ezuva”

Mwanayinye yige munasirema/Paralympic gwaSouth Africa ya tompokerera nayinye,ana kara muntu gomulyo mesanseko lyomaudano.

(© Cook, M.J.)

**1** Limburura epuro **1(a)** dogoro **(c)** pokutjanga nomora zepuro nondanda zelimbururo ono horowora. Sihonena **(a) A**.

**(a)** Ya likidire ketameko asi nzodi zaNatalie zoOlympic kapi nkare zi sike mouta wa kora morwa

**A** kapi ga gwene deura zokugwanena.

**B** kapi ga gwene makwatesoko megoro.

**C** kwa gwanekerere nourema.

**D** kwa kere ana kondipara.

[1]

**(b)** Morwasinke elima 2008 lya kere nomulyo kwaNatalie?

**A** Ga fundire nomedalie ntano momarumbasano gopauzuni.

**B** Ga pulisilirwe a hame momaudano goOlympic nava wovawaawa.

**C** Ga pulisilirwe momaudano goCommonwealth.

**D** Ga sikire kehagero lyomaudano goyirema.

[1]

- (c) Nonkambadaro daNatalie melihamesero kuvhonga maudano kwa ga dimbwilire paveta apa
- A va mu pere nzapo zopaveta.
  - B va mu pere sirugana a gendese siruganagano.
  - C va mu pere yirugana mepangero.
  - D va mu zigidire a ka dingure presidente. [1]
- (d) Yisinke yina kutanta” kutunda mo nehafo nefundo” kutwaredera mosireswa? Tumbura malikido **gavali**. [2]
- (e) Morwasinke Natalie ga hetakanesere epulisiro lyendi koOlympic nokuronda ndundu zaEverest? [1]
- (f) Nongonona nokufwaturura maruhantanto gavali ga ruganesa mutjangi mokuzeresa etokomeno lyaNatalie li ka sike mouta wa kora. [4]

**[10]**

- 2 Ove kwa kara namukweni ga kontora moudano wongandi, nye morwa udigu wongandi kwa ku gazadara kuligusa ko komaudano. Ruganesa magano nomausili mesanseko lyaNatalie, yipo o tjange mbilive zokukorangeda mukweni a twikire nosirugana somaudano.

Nonkango doge mokutjanga mbilive di sike pokatji ko **200 – 250**. **[20]**

**RUHA B**

Resa sireswa oso, makura o limburure mapuro ogo naga kwama ko.

**Sireswa 2****The Black Pearl (Mumohoki)**

Wilma Rudolph (1940-1994) kwa divikwire asi mudukikadi gomunene mouzuni mosiruwu sonomvhura edi 1960, yimo tupu nokukara mukadi gokuhova gomuAmerika mokufunda nomedaliye ntatu dongorodo moruha rweyi yokuduka ntani yomonda momvhura 1960 momarumbasano goOlympic. Ezi kwa kere mvhura zomuhowo omu marumbasano goOlympic va ga likidire potelevizi uzuni mudima eyi ya ninkisire Wilma a kare ngwenya zopontambo zouzuni mudima, momarumbasano goOlympic ga horokerere moRoma, momvhura 1960, age kwa divikwire asi: "The Black Pearl" (Mumohoki).

Wilma kwa mu pere mfumwa, morwa kuninkisa elituromo lyovakadi momarumbasano geyi yoponze ga fumane America. Age kwa kere hena mulitulimotjokedo ewapukururo nkarapamwe zovantu, na hena kwa mu mwene asi mpitamaho mekondjero untu womuntu yimo tupu mauwa govakadi.

Wilma mekuro lyendi kwa gwanekeere noyitangalimba yokulisig-siga. Age kwa mu hampurukire ago makwedi gendi ga hana kusika mo (sipilima). Morwa konda zelitondoworo parudi Wilma nozina kwa ka va tengwidire kosipangero somukunda. Epata lina kapi lya vhulire kufuta mpili ndokotora gomusovagani ya ninkisire Wilma va mu vede pauhaku ozina kumwe novanekoro.

Pounona wendi Wilma kwa kere mounkundi wokugwanekera nomauvera gokulisig-siga ngamoomu kankwenyenye, siduma, efuruko yimbura yoyigeha kumwe noupyu, sikorohwa nouvera womapunga. Apa ga gwanesere nomvhura 4 yipo wa mu gwene urema womukongo. Mpili ngomu ga verukire kouvera wina nga dwara sivera kokuguru kwendi kokumoho nokompadi yipo yi mu kwafe mokugenda.

"Ndokotora kwa gusirenge mukumo asi kapi ngani vhura kugenda meparu lyange. Onane kwa huguvarere nge asi ezuva limwe ngani genda". Ame kwa huguvarere mweyi va uyungire onane" Wilma kwa kere mepata lyosinka nombili, ozina ngava mu twara kosipangero esi sa kere ure wosinano sonokilometa nomurongo ntano, omu nga va zi ko ruvali mosivike, dogoro noku ga ya kere kuna kuvhura kugenda ga hana yilivatereso yokugendesa mokuguru kwendi. Vandokotora ngava rongo Blanche udivi umwe wokudeura nokuyurayura yipo a vhure kuvatera Wilma.

Hulilira ponomvura 12, Wilma kwa ya kere ana pama hena kumwe nokuvhura kugenda ga hana yilivateresonkenye yopauhaku. Age kwa tokwere kudivara yinka youvera wendi, omu konyima matokomeno gendi gokukara muduki ga ya sikire mouta wakora. Age kwa ya lipakerere mosipana soudano wobasiketi posure, omu modeuli goyidukagana neyi yomonda ga ya nongwenene unongo wendi kuhamena maudano goyidukagana. Ponomvhura 16, konyima tupu zonomvhura ne kutunda apa ga verukilire nawa-nawa kouvera wourema, Wilma kwa ya kere gumwe gomosipana saUSA soyidukagana momaruha geyi yomonda ntani ponze zosira, omu momvhura 1956 ga ya fundire medaliye zomburonzi momarumbasano goOlympic, age kwa kere ngwenya zopontambo zouzuni omu ga divikwire asi "Ependakadi lyoyidukagana momasanseko gomarumbasano goOlympic momvhura 1960. Konyima zomutampo gwendi

momarumbasano Wilma kwa tengwire kembo koTennessee omu ga ya lituntikire asi nguuru gosirongo sawo kuna kurongikida ehamberero lyomutamburo lyendi kembo. Wilma kwa nyokere kulihamesera mwene mosipito sendi, morwa kudimburura asi sipito ta si kara morupe rwelitondoworo parudi. Morwa elikido runyegenyo,elyatero,sipito saWilma kwa ya kere somuhowo sina kulikida elipakerero parudi modoropa zendi zaClarkville. Age kwa twikilire kulihamesera momagawo runyegenyo mositata dogoro noku noveta dorutandu va di kandwire po.

Wilma kwa ya hagekere elihamesero momarumbasano goyidukagana momvhura 1962, omu ga ya tengwire kosure noku ka gwana nzapo zoharade zourongi ponkurusure zaTennessee, oku ga ka gwene mbatere zoyimaliva yelirongeseso. Age kwa ya kere murongi posure,kumwe nomudeuli gomaudano goyidukagana.

“Ame kuna kulizuvha utompoki unene, morwa nomedaliye dongorodo ntatu dokutunda momarumbasano goOlympic. Esi kuna kara sininke esi muntu kapi ta vhuru ku si gusa nge.

“Sina kara hepero unene kurugana novanona”. Nina kara nehuguvaro lyokuvhura kudimburura nokutura nompitisili movantu wovasesu ava va ninkilira mo morwa elisigo parudi. Ame kwa pura asi sininke somulyo meparu lyange sokurugana kumwe novanona. Ezi kwa kere nzodi zange mokuvareka malikwamo mokupitira moyidukagana,kumwe nerongo lyererokwateromo.

Efumano lyaWilma kwa ya ninkisire ndi kwa retere mukumo movakadi momarumbasano goOlympic goyidukagana unene moruha rweyi yomonda neyi yoponze. Age kwa geve mukumo movahameni maudano wovakadi unene mwavamwe wovasesu ngwendi Florence Griffith Joiner,ogu ga gwanekerere nomaudigu gomanzi mokusikisa mo eyi ga rwamenene.

Konyima zonomfa dendi mo-1994,wovanzi nga va kambadara kumutura momadiworoko. Nanaina eli elipakerero lyoWomen’s Sport Foundation,kugava uhwi womfumwa “Wilma Rudolph Courage Award”, unene kovakadi ava ava lihamesere momaudano omu ava likida maupenda mpili ngomu ava vhuru kugwanekera noyitangalimba yokulisiga-siga awo va pite mo. Efano lyewa lyaWilma lina moneka ngomuntuuntu va ruganesa koburongi kwa sikama mokatji kodoropa zawo zaClarkville.

“Kapisi nawa kusensa unankondo wesikisomo yitambo ndi zondi, kumwe neharo lyomuntu morwa natuvenye kwa hetakana momademeneno. Eharo lyomutombo kwa tunga mwetu”.

(© Wikipedia)

- 3 Tjanga malizo omu ono ku hetakanesa yitangalimba nonomutombo daNatalie du Toit kumwe naWilma Rudolph mokukwama yireswa oyo yivali peguru. [20]
- 4 Ngano nyove wa kere Wilma Rudolph, ove hena, nkenye apa ngo tjanga mobuke zoyihorokwa yankenye ezuva, kuhamena eyi nga yi ku horokere kumwe nomalizuvho goge. Tjanga nye mobuke zoyihorokwa yankenye ezuva omu ono kuvhura kulikida yipimpo yomulyo meparu lyoge.

Tjanga nonkango dokusika ko-200 – 250. [20]

**BLANK PAGE**

**BLANK PAGE**